

Naalakkersuisut siulittaasuat

Landsstyreformanden



Inatsisartuni ilaasortaq, Hr. Lars Emil Johansen
c/o Inatsisartut Allattoqarfiat
Maani

Naalakkersuisunut apeqqut: Tjenestemanditut atorfeqarsimasut saniatigullu qinikkatut atorfeqarsimasut soraarnerussutisiassat arlaanik tigusinnaajunnaarneqartarnerat aaqqiiviginarlugu Naalakkersuisut qanoq iliuseqalersaarpat?

Matumuuna Inatsisartut suleriaasianni § 36, imm. 1 naapertorlugu apeqquteqaat saqqummiunneqartoq akissuteqarfigissavara.

Inatsisartuni Naalakkersuisunilu ilaasortat soraarnerussutisiaqartinneqartarnerat aaqqissuunneqarpoq Inatsisartuni Naalakkersuisunilu il.il. aningaasarsiaqartitaaner-
rat il.il. pillugit Inatsisartut inatsisaat nr. 22, 18. december 2003-meersoq, kingusin-
nerusukkullu allannguuteqartoq naapertorlugu.

Soraarnerussutisiaqaatisiassat Inatsisartuni imaluunniit naalakkersuisuni ilaasortat katersorsimasaat 1. januar 2004 sioqqullugu pisimasut, tassaapput soraarnerussu-
tisianik Landskarsimiit pisartagaqarnissamut pisinnaatitaaffiit aningaasarsiaqarti-
taanermut inatsimmi maleruagassat ersarinnerusut naapertorlugit tunniun-
neqartartut. Soraarnerussutisiaqarnissamut pisinnaatitaaffiit taama ittut malerua-
gassat aalajangersimasut tunngavigalugit soraarnerussutisiassanut, aningaasarsi-
assanullu pisortani suliffigisani allani pissarsiarineqartussanut naleqqersuun-
neqartarput, taamaaliornerlu Inatsisartuni Naalakkersuisuniluunniit ilaasortatut suli-
aqarsimanermi soraarnerussutisiassat ikilileriffigineqarnerannik kinguneqarsinnaa-
voq. Tamatumunnga tunngatillugu maleruagassat ersarinnerusut aningaasarsi-
aqartitsinnermut inatsimmi § 16-imi aalajangersarneqarsimapput.

Inatsisartuni Naalakkersuisuniluunniit ilaasortaq 1. januar 2004 sioqqullugu ilaa-
sortaanermiit soraarsimaguni, aammalu atorfigisimasaminit taakkunannga soraar-
nerussutisiaqarnissamut pisinnaatitaaguni, taava aningaasarsiaqartitaaner-
mut inatsisip § 16-ani imm. 3 naapertorlugu aalajangersarneqarpoq atorfigisimasanit taak-
kunangga soraarnerussutisiassat atorfilittut sulisimasut soraarnerussutisiassa-
at qaffasinnerpaaq lønramme 39, skalatrin 52, tapisiat nalinginnaasut ilanngunnagit
sulisimanermi soraarnerussutisiaasinnaasunit qaffasinnerusinnaangitsut.

Aningaasarsiaqartitaaner-
mut inatsisip § 16, imm. 4-aa naapertorlugu ilaasortanut
1. januar 2004 sioqqullugu Inatsisartuni imaluunniit Naalakkersuisuni ilaasortatut

29.07.2008
Sags nr.
2008-009964
Dok. nr.
Postboks 1015
3900 Nuuk
Oq/tel +299 34 50 00
Fax +299 32 50 02
govsec@gh.gl
www.nanoq.gl

tunuarsimasunut inuussutissarsiutinut taakkununga soraarnerussutisiassat annikilliivigineqarsinnaapput. Kajumissaatsiat, aningaasarsiasat imaluunniit soraarnerussutisiat inunnut pineqartunut qaffasinnerusinnaangillat, atorfilinnut lønramme 39, skalatrin 52 tapisiat nalinginnaasut ilanngunnagit akissaatersugaasimallutik soraarnerussutisarineqartussaniit.

Aningaasarsiaqartitaanermut inatsimmi § 16, imm. 5 naapertorluguli aalajangersagaq § 16, imm. 3. aamma 4 atortinneqassanngillat Inatsisartuni Naalackersuisuniluunniit ilaasortaasimasup atorfimminiit 1. januar 2004 sioqqullugu soraarsimappat, aammalu kingusinnerusukut Inatsisartunut Naalackersuisunullu qinigaasimappat.

Aningaasarsiaqartitaanermut inatsisip § 17-imut nassuiaataani imatut allassimasoqarpoq:

"Siunnersuummi § 21 malillugu Inatsisartuni Naalackersuisunilu ilaasortat aningaasarsiaqartitaanerat pillugu inatsit maanna atuuttoq tamakkerluni atorunnaarsinneqarpoq. Aningaasarsiaqartitaaneq pillugu inatsit malillugu soraarnerussutisiat qaffasinnerpaaffeqarnerat atorunnaartussaammat pisortanilu allamik atorfeqarnermit aningaasarsianik, akissarsianik imaluunniit soraarnerussutisianik ilanngaasarneq pisariinnerulersinneqassammat, ikaarsaarnermi maleruagassatigut qulakkeerneqassaaq maleruagassat oqinnerusut taakku Inatsisartuni Naalackersuisunilu ilaasortaasimallutik tunuareersimasunut atuutissangitsut.

Soraarnerussutisiassanik ilanngaasarnermut maleruagassat pisariinnerusut Inatsisartuni imaluunniit Naalackersuisuni inatsisip atuutilerfiani ilaasortaasunut tamanut atuutissapput.

Maleruagassat pisariinnerusut aamma inatsisip atuutilernerata *kingorna* Inatsisartuni imaluunniit Naalackersuisuni ilaasortanngortunut atuutissaaq, apeqquaatinnagu Inatsisartut inatsisaata atuutilinnginnerani Inatsisartuni Naalackersuisuniluunniit ilaasortaasimaneq."

Oqaatigineqassaarli siunnersuutip § 21-a allannguutissatut siunnersuuteqarnerup kingunerisaanik inatsimmi atortuulersumi § 20-ngormat.

1. januar 2004-p kingorna Inatsisartuni Naalackersuisunilu ilaasortat soraarnerussutisiassaminnik soraarnerussutisiassanik Landskarsimiit tunniunneqartartussanik katersisarunnaarput. Tassunga taarsiullugu Landskarsip Inatsisartunut Naalackersuisunullu ilaasortanut soraarnerussutisiassanik katersinermi soraarnerussutisianik aningaasaateqarfinnut Kalaallit Nunaanni angerlarsimaffeqartunut akiliutissanik ingerlaavartumik akilersuisoqalerpoq. Akiliutit taakkua inuussutissarsiutini pineqartunit akissarsiaritinneqartut 10%-iini aamma 5%-iini annertussuseqarput. Soraarnerussutisiassat Inatsisartuni Naalackersuisunilu ilaasortanut ataasiakkaarlugit aningaasaateqarfinnut akiliutigineqartarput. Ilaatigullu ilaasortanut qinigaarlaanut 50-it sinnerlugit ukioqartunut soraarnerussutisiassatut akiliutaasut akissarsiatulli al-latut nalinginnaasumik akileraaruserlugit ataatsikkut tunniunneqarsinnaapput, suli-amut Inatsisartuni Naalackersuisunilu ilaasortaasimanermut tunngasuni.

Soraarnerussutisiassanut 1. januar 2004-p kingorna tunniunneqartartussanut soraarnerussutisiaqartitsinermi maleruagassat soraarnerussutisiaqarnermut aningaasaateqarfimmi atuuttut naapertorlugit ingerlatsisoqassaaq, taamalu aningaasarsiaqartitsinermut inatsimmi maleruagassat atuutissanatik. Tassani pineqarput soraarnerussutisiaqarnermik aqqissuussinerit soraarnerussutisiaqarnermut anin-

gaasaateqarfiit nalinginnaasumik sulinermik inuutissarsiuteqartunut aaqissuussi-
nerisa assigisaat.

Aningaasarsiaqartitaanermut inatsit maanna atuuttoq Inatsisartut siulittaasoqarfian-
nit 2003-mi siunnersuutigineqarpoq. Siunnersuutaasumi suleqatigiissitat arlaan-
naannulluunnit attaveqanngitsutut taaneqartut Inatsisartunit 2001-imi pilersin-
neqartut siunnersuutigisaat allannguuteqanngingajattumik malinneqarpoq.

Soorlu siuliini saqqummiunneqartumi ersertoq, 2003-mi inatsisinik allanquineq
siunissami soraarnerussutisiaqarnermut maleruagassaasunik atortuulersitsiner-
mik imaqarpoq. Naalakkersuisut maanna tunngavigineqartut aallaavigalugit pilersaar-
teqanngillat aningaasarsiaqartitsiner-
mut inatsisip soraarnerussutisiaqartitsiner-
mut maleruagasaanik allannguissamat.

Inussiarnersumik inuulluaqqusillunga

Hans Enoksen